



اولدی

کذلك علمك مقولة كيف ويا مقولة انفعال
ويا خود مقولة اضافتدن اولمسندهده اختلاف
وقوع بودی لیکن مقولة كيفدن اولمسی
مر جعدر

وجود ذهنی به قائل اولناردن بعضیسی ذهنده
حاصل اولان شی معلومك شبح وظلی اولوب
ماهیتده اكا مخالفدر دیدی و بعضیسی حاصل
فی الذهن نفس ماهیت معلومدر دیدی که نقدر
بعیددر ؟

علم لفظی بعضا اسماء علوم مدونه به و بعضا
مسائل مخصوصه به و بعضا مسائل مخصوصه بی
دلیلدن تصدیقاته و بعضا تصدیقات مذکوره نك
تکررندن حاصل ملکیه اطلاق اولنور

ملکه تهیو تامه اطلاق اولنور که مراد اولنان شیی
استعلام واستفاده به کافی قدرندن عبارتدر

علم لفظنك معنای حقیقیسی ادر اکر
بود اراکک بر متعلق واردر که معلومدر و برده
حصولده تابعی واردر که ادر اراکک بقاسنه وسیله
اولان شیدر اشته ملکه دیدیکمز بوشیدر

علم لفظی حقیقت عرفیه یا حقیقت اصطلاحیه
ویا مجاز مشهور طریقه شواذ راك و معلوم و ملکه دن
هر برینه اطلاق اولنور

علم لفظی بعضا مسائل و مبادی تصوریه
و تصدیقیه و موضوعاتك مجموعنه یعنی اوچنه
بردن اطلاق اولنور

بونلرک اوچنه بردن شو اطلاق سبیلده اجزاء
علوم اوچدر دیرلر

اسماء علوم (مثلا منطق صرف نحو)
بعضا مفهوم کلی اجمالی اوزرینه اطلاق اولنور
و بو مفهوم کلی علمك تعریفنده تفصیل
ایدیلور

تفسی تفصیل ایدیلور سه علمك حد اسمیسی

ولایمی تفصیل اولنور سه علمك رسم اسمیسی
اولور علمك حد حقیقیسی مسائلی تصور
ویا خود مسائل مذکوره به متعلق تصدیقاتی
تصوره متوقفدر چونکه هر علمك حقیقی
اولعلمك مسائلی و یا مسائلنك تصدیقاتی در
مبادی رابئیة موضوعاتك اجزاء اولنمسی حقیقی
دکدر بلکه کندولر شدت احتیاجدن نشأت
ایلمش بر کیفیت در

موضوع

سعادت انسانیه حقایق و احوال اشیائی
بقدر الطاقة معرفته منوط و حقایق و احوال
اشیا ایسه متکثر و متنوع اولدیفندن بونلرک
ضبط و تعلیملرینی تسهیلده تصدی ایدنلر بر شیئه
واشیای متناسبه به متعلق احوال ذاتیه بی افراد و افراز
و باشلوجه جمع و تدوین و علم واحد عدایتدکری
کبی اول شیئه و یا اشیایه اولعلمك موضوعی تسهیل
ایتدیلر

حد ذاتندهده فنا برشی ایتدیلر چونکه احوال
مذکورهدن موضوعده تشارکری اولنلری
موضوع اخرده متشارک اولنلردن تمیز ایدرک
هر بر طائفه بی بر علم منفرد ایتدیلر که بونلردن هر
هانکی طائفه نك تحصیل و تعلیمی مراد اولنور سه عاقد
اولدیفنی علمه مراجعتله قضاء و طراولنه بیلور
مع مافیة علومك شوصورتله یعنی موضوعاتی
سبیلده بنفسها تمایزی معتبرینك اعتبارینه کوره
بر تمایزدر یوقسه دیگر صورتله دخی تمایز نمکندر
مثلا غایت و محمول ایله ده احوال مذکوره تمیز
ایدلک جائزدر و متأخریندن پک چوقلری
بو یولهده سلوک ایتدیلر اولان دخی سلوک
ایتمکده درلر و بو یول تعلیم و تعلم ایچون ده
کسیرمه بر طریق مستحسندر

بوندن بشقه عقلا مانع یوقدر که هر بر مسئله

باشلی باشنه بر علم عد اولنورق اروجه تدوین

و تعليم ايدلسون و يا خود موضوعه مشارك
اوليان مسائل متنوعه علم واحد اعتبار اولنه رق
ايروجه تدوين و تعليم اولسون
(لکن شق نانیده ده مسائل متنوعه مذکور هیننده
اولدقجه بر مناسبت بولنماق احتمالک
خارجنده در)

علوم مدونه دن هر بر علمک حقیقی موضوع
واحدده مشارک مسائل مدونه در علوم
مذکور ه دن هر بر ینک موضوع و غایتی
اوله جغنده شبهه یوقدر اشبو موضوع ایله غایتدن
هر بری علمک جهت وحدتی اولوب مسائل
متکثرینی ضبط ایدرو بونلر اعتبار یله مسائل
مذکوره علم واحد عد اولنور

موضوعه علمک جهت وحدت ذاتیه سی و غایته
علمک جهت وحدت عرضیه سی دینور
علم بعضا موضوعی اعتبار یله تعریف اولنور
مثلا منطقک تعریفنده کندوسنده احوال معلوماتدن
بحث اولنور علم دینور و بعضا غایتی اعتبار یله
تعریف اولنور مثلا ینه تعریف منطقه بر آلت
قانونیه در که اکاد مرعات ذهنی فکریه خطادن
معصوم ایدر دینور
مبادی .

مبادی علومده مستعمل بر طاقم معلوماتدر که
علومک مطالب مکتسبه سی یونلر اوزر ینه بنا
اولنور

مبادی یا تصور یه در که علمک حدود موضوع
و حدود اجزا و جزئیات و معمولاتندن عبارتدر
و یا تصدیقه در که قیاساتی کندودن مؤلف
بر طاقم قضیه لدر .

بو قضایاده ایکی قسمدر .
قسم اول بنفسها بین اولنلدر که قضایای
متعارفه و امور متعارفه تسمیه اولنور
بونلرک بعضیسی دهر بر علمده مبادی

اوله بیلور

« نقی و اثبات اجتماع و ارتفاع ایتز »
قولز کبی

و بعضیسی بعض علومده مبادی اوله بیلورلر
« متساوی مقدارلردن متساوی مقدارلر
النسه باقیلرینه متساوی قالور » قولز کبی
قسم ثانی بنفسها بین اولیوب تسلیمی واجب
و علم اخرده بیان اولنمسی شانتدن اولنلدر که
مذکور علم اخره نسبتله عادی مسائلدر بونلره -
او علمه حسن ظن سببیه استعمال اولنلقلری
وقت - اصول موضوعه و - استنکار طریقله
استعمال اولنلقلرنده - مصادرات تسمیه
اولنور

بونلردن بر ینک بر شخص عندده اصول
موضوعه دن و دیگر شخص نزدده مصادراتدن
اولسنک جوازنی بیانه حاجت یوقدر
مسائل علوم .

مسائل علوم هر بر علمدن مطاب و مقصود
اولان قضایادر

هر بر علمک موضوع واحدده مشارک مسائلی
مدون و جامع اولسی لزومه بناء مسائل علم
موضوع علم دیمکدر

موضوع مسئله بعضا بولندیخی علمک دخی
موضوعی اولور

« کلام ایکی اسمدن مرکبدر » قولز کبی
چونکه موضوع مسئله اولان لفظ « کلام »
بو مسئله نک بولندیخی علم نحوک دخی موضوعیدر
موضوع مسئله بعضا او علمک موضوع
و عرض ذاتیسی اولور

« بر شیننه مبین مقدار اول شیننه مساوی مقداره
مبایندر » قولزده کی کبی
زیرا مسئله ده موضوع اولان « مبین مقدار »
بو مسئله نک بولندیخی علم هندسه نک موضوعی